

**Жібек жолы ауылдық округ әкімі аппаратымен атқарылған жұмыстары
мен 2019 жылы өкімдер және шешімдерді қабылдау барысында
зандылықтың сақталу барысына жүргізілген ішкі талдау туралы
МӘЛІМЕТ**

Кентау қаласы

16 шілде 2019 жыл

«Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының 2001 жылғы 23 қаңтардағы Заңының 35-бабында белгіленген құзыреті шегінде және ауыл округ әкімі аппаратының Ережесіне сәйкес, Жібек жолы ауыл округ әкімі тарапынан 2019 жылдың 6 айында 31-өкім және 65-шешім қабылданып тіркелген. Тіркеу журналдары нөмірленіп, мекеменің мөрімен бекітілген.

1. Қабылданған өкімдер мен шешімдерге құқықтық сараптама жүргізу барысында төмендегі кемшіліктер анықталды. Атап айтқанда:

Ауылдық округ әкімінің 08.01.2019 жылғы №1 өкімімен 2019 жылға мемлекеттік сатып алу жылдық жоспары бекітілген. Аталған жылдық жоспарға ауылдық округ әкімінің 08.02.2019 жылғы №5, 26.02.2019 жылғы №6, 18.03.2019 жылғы №7 т.б. өкімдерімен өзгерістер мен толықтырулар енгізілген, алайда өкім дұрыс рәсімделмеген, яғни бастапқы жылдық жоспар бекітілген өкім көрсетілмеген. Ауылдық округ әкімінің 08.01.2019 жылғы №2 өкімімен «сыбайлас жемқорлыққа қарсы стандарт» бекітілген. Алайда, стандарт мекеме қызметкерлеріне таныстырылмаған.

«Жұмыссыз азаматтарды ақылы қоғамдық жұмыспен қамту туралы» ауылдық округ әкімінің өкімінің преамбуласында ҚР Денсаулық сақтау және әлеуметтік даму министрінің 14.06.2016 жылғы №516 бұйрығы басшылыққа алынған, алайда бұйрықтың атауы («Халықты жұмыспен қамтуға жәрдемдесудің кейбір мәселелері туралы») көрсетілмеген.

2. Тәртіптік жазалар бойынша:

Ауылдық округ әкімінің 14.01.2019 жылғы 3 өкімімен өзіне жүктелген міндеттерін тиісті дәрежеде орындамағаны үшін аппараттың бас маманы Тойметов Дастан Ережеповичке «Ескерту» түрінде тәртіптік жаза қолданылған.

Өкімнің 18.01.2019 жылғы №4 өкімімен өзіне жүктелген міндеттерін тиісті дәрежеде атқармағаны және қызмет барысында кемшіліктердің орын алуына жол бергені үшін Сариев Бексұлтан Беркимбаевичке «сөгіс» түрінде тәртіптік жаза қолданылған.

3. 2019 жылдың 6 айында ауылдық округ әкімі аппараты сот органдарында талапкер, жауапкер немесе үшінші жақ ретінде сот отырыстарына қатыспаған.

4. Заң бұзушылықтар бойынша қалалық прокуратура басқа да құзырлы органдар тарапынан ұсыныстар мен наразылықтар басқа да қадағалау актілері енгізілмеген.

5. Жеке және заңды тұлғалардан түскен арыз өтініштерді қарау барысында қолданыстағы заңнамалық актіде белгіленген мезімінен кешіктіріп жолдау жағдайлары орын алмаған.

6. Кентау қаласы әкімдігінің 04.09.2018 жылғы №304 қаулысымен бекітілген Қазақстан Республикасының 2015 – 2025 жылдарға арналған сыбайлас жемқорлыққа қарсы стратегиясын іске асыру және көлеңкелі экономикаға қарсы іс-қимыл жөніндегі Кентау қаласы бойынша 2018 – 2020 жылдарға арналған іс-шаралар жоспарының бірқатар іс-шаралары тиісті деңгейде атқарылмаған.

Талдау барысында аталған кемшіліктерді орындауға шұғыл шараларды қабылдауды ауылдық округ әкімі мен жауапты маманға тапсырылып түсіндірілді.

Жоғарылардың негізінде талдау жүргізу барысында сыбалас жемқорлыққа жағдай туғызатын мән-жайлар анықталмады.

ҰСЫНЫМ

1. Алдағы уақытта заң бұзушылыққа жол бермеу, алдын алу шаралары профилактикасын үздіксіз ай сайын жүргізіп, семинар кеңестерді өткізу;


2. Құқықтық актілерді (өкім, шешімдер) дайындау барысында заңнамалық актілердің атауына, баптарға жасалған сілтемелердің сәйкестігіне зерделеу жүргізу;

3. Аппарат мамандарының орындаушылық тәртібін көтеру;

4. Жеке және заңды тұлғалардың өтініштерін қарау барысында «Жеке және заңды тұлғалардың өтініштерін қарау тәртібі туралы» Заңының талаптарына сәйкес, мерзімінде қарап, жауабын беру және өтініш иелеріне берілген жауаппен келіспеген жағдайда шағымдану құқықтарын түсіндіру;


5. Тәртіптік жауапкершіліктерді қарау, жұмыстан босату, еңбек ақыны төлеу барысында еңбек заңнамасының талаптарын, басқа да заңнамалық актілер талаптарының сақталуын қамтамасыз ету.

6. Кентау қаласы әкімдігінің 04.09.2018 жылғы №304 қаулысымен бекітілген Қазақстан Республикасының 2015 – 2025 жылдарға арналған сыбайлас жемқорлыққа қарсы стратегиясын іске асыру және көлеңкелі экономикаға қарсы іс-қимыл жөніндегі Кентау қаласы бойынша 2018 – 2020 жылдарға арналған іс-шаралар жоспарындағы іс-шаралардың сапалы орындалуын және атқарылған жұмыстар туралы мәліметті белгіленген мерзімде жолдануын қамтамасыз ету.

Таныстым :  Жібек жолы ауылдық округ әкімінің м.а.
Ж.Жуматаев

«16» 07 2019 жыл

Қала әкімінің орынбасары,
жұмысшы топ төрағасы



С.Расұл

Жұмысшы топ хатшысы,
қала әкімі аппаратының заң және
құқық қорғау органдарымен жұмыс
жүргізу бөлімінің бас инспекторы



С.Ажығабылов